

Le Comun lascia al savèi che le Regional Managemente LAG Pustertal fej na inrescida sura le mudamënt climatiche te duc i comuns dla Val de Puster. Cina ai 18 de setëmber é la poscibilitè da dí tûa minunga tres le formular sôn la plata internet dl comun o tres la App Gem2Go.

Aldiënza dla defensoria zivica, en vëndres, ai 8 de setëmber, dales 14.00 ales 17.00 tl salf di stödafüch a San Martin sôn prenotaziun 0471 946 020.

PLOANIES SAN MARTIN Y LUNGIARÜ

Les comunités da San Martin y da Lungiarü ti aoda a duc i mituns y les mitans, scolaris y scolares, studënc y studëntes, che pëia ia y vá ala scolina, ala scora elementara, ala scora mesana o a na scora alta n bun mëteman y n bun ann de scora cun ligrèza, orenté y forza da imparé y da studié y na buna compagnia. Ai maestri y ales maestres, insegnanc y insegnantes motivaziun, paziënza y sodesfaziun te súa profesciun.

Al vëgn recordé la preparaziun al bato en sabeda, ai 9 de setëmber, dales 15.00 ales 17.00, a La Val. Prenotaziuns al numer 328 07 17 796.

LUNGIARÜ

Duc é bel invia en domënia, ai 10 de setëmber, ala prozesciun sö La Crusc dales 14.00 da insom le lift demez y lassö te dljia Liturgia dla Parora dales 15.00. L'invit vá dantadöt a chi che é jüs en chësc ann ala Pröma Comuniun.

Oferta nöia de consulënza dl Consultore familiar (Familienberatungsstelle) ince tl Raiun Sozial Val Badia a Picolin en mercui , ai 6 de setëmber, dales 16.00 inant tla 3^a alzada por porsones de vigni eté tles situaziuns desferëntes de vita. Stress, conflic tla relaziun, cosses che pësa söl laur, contesc soziai, familia o ince maratia se damana na consulënza, n aiüt. Family direkt pïta sôn domanda consulënzes telefoniches te na maniera dër spontana o ince consulënzes personales. Personal cualifiché se tol tëmp (danter 30 y 45 menüc) por Os. La consulënza é debann. I terminis pó gní tuc online sot a www.familydirekt.it o al 0471 1550900

La biblioteca Sas dla Crusc inviëia duc i interessá ala presentaziun di libri "Der schmale Grat" y "Eine gute Zeit zu leben" cun l'autur Hubert Messner en mercui ai 6 de setëmber dales 20:00 tla biblioteca da La Ila.

Le Sportclub Amatorial Antermeia organisëia, en colauraziun cun les Uniuns dl Sport da San Martin y Lungiarü, le torneo de calcetto dles uniuns dl Comun da San Martin. Le torneo vëgn tigní en domenia, ai 10 de setëmber, dales 11.00, sôn le ciamp dal sport d'Antermëia. Dötes les uniuns dl comun é bel inviaes da tó pert. Iscriziuns cina ai 06.09 pro Armin 347 91 02 642 o por email: sca.antermeia@yahoo.it. Do le torneo vëgnel inaudé le ciamp sintetiche nù. Duc é dër bel invia!



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

03.08. - 10.09.23 n. 41

unitepastorala.org


ultimo termo por comunicaziuns: jöbia, dales 20.00

22^a Domënia ia por l'ann A

Vangele do san Matí 16, 21-27

Gejù â metü man da ti splighé a sü discepui, ch'al messâ jì a Ierusalem y s'un doré tröp da pert di plü vedli, di gragn proi y di studià dla lege, che al gnò copè, mo che al ressorî le terzo dé. Dailò l'â Pire tut da na pert y à metü man da ti trà dant, dijon: Chësc dess Idî evité, Signur! Chësc ne po nia sozede cun tè! Mo Gejù s'â ôt y ti à dit a Pire: Vätun demez da mè, sàtana! Tö ôs me fà tomè; tö ne n'as nia imënt cí che Dî ô, mo cí che la jënt ô. Spo ti à Gejù dit ai discepui: Chël che ô ester mi discepul, s'un desdijes de sè instès, toles súa crusc sôn èl y me vëgnes do.

Deache chël che ô salvè súa vita, la pordarà; mo chël che perd la vita por mia gauja, la davagnarà. Cí ti jôl pa a n chestian, sc'al davagna döt le monn, y perd laprò súa vita? A cí prîsc po pa n chestian cumprè derevers súa vita? Le Fi dl Om gnarà cun sü agnui tla gloria de so Pere y ti retarà a vignun, sciöche sües opres s'al mirita.



Chësta pert dl vangele é gnüda scritta inanter i agn 80 y 90 do Gejù Crist, canche i discepui de Gejù â metü man da gní porseghitá.

Insciö ti mëtt Gejù dant la crusc a chi ch'al inviëia da ti jí do.

I ne sciafiun nia da ti sciampé ala crusc o da la sferié demez.

La crusc nes recorda che Gejù á orü plü ion morí por nos co vire zënza nos.

Sunse ince nos arjgná da morí plü ion co vire zënza èl.

Morí ne mëss chiló nia significhé ch'i messun sëgn morí söla bota cialda.

La crusc nes damana plülere:

Sunse arjgná da renunzié a döt ci che nes tëgn dalunc da Chël Bel Dî? *Te Deum*

EDEMA - ANN "A"	SAN MARTIN	LUNGIARÜ	 Tru nü de preparaziun ala Crejima 2025 (16+) En chësc altonn mëtel man le percurs nü de preparaziun ala Crejima.
03.09.23 22^a Domënia dl ann A Domënia di Agnui Custodi	9.00 Corona do vocaziuns 9.30 Mëssa <i>(cun don Giuseppe)</i> por i jogn en onur di Agnui Custodi de rengr. fam. Angel Moling + Giovanni Unterweger + Friedl Pedevilla (dl ann)	7.50 Corona 8.15 Gran Mëssa de festa di Agnui Custodi cun y por i mituns y les mitans + Marino Clara, Ties + Isidoro Clara, Toch Benedisciun dl tëmp 15.00 Corona tla capela de S. Ojöp Fr.	Al vëgn <u>chirí colauradus y voluntars</u> che se mët a desposiziun tles manires plü desvalies por acompagné bun i crejimanc de döta la valada. Vigni pice y gran aiüt á n gran valur y nes dá sostëgn! Ví ince tö al'incuntada en <u>lönesc, ai 11 de setëmber, dales 19.00, tl Istitut Ladin</u> a San Martin, olach'al gnará presenté plü avisa le program y olache vignun podará se chirí fora le ciamp y les ativités olach'al ó colauré! Bele danfora giulan de tüa desponibilité! <i>P.S. N program plü avisa dla preparaziun é da ciafè apé de dlíjia o sön la tofla dan dlíjia.</i>
04.09.23 <i>Ida, Iris, Rosalia</i> Lönesc			
05.09.23 <i>Tarejia da Calcuta</i> Dedolönesc	8.00 Mëssa de scomenciamënt dl ann de scora	10.00 Mëssa de scomenciamënt dl ann de scora + + dla fam. Paul y Maria Clara, Brocia dl ann + Angela Campeï de rengr. fam. Martin Clara	
06.09.23 Dedemesaledema <i>Zacharia, Consolata</i>			
07.09.23 <i>Judita, Zelestin</i> Jöbia			
08.09.23 <i>Nadé de Santa Maria</i> Vëndres	18.30 Adoraziun chîta 19.00 Adoraziun deboriada		Setëmber - mëis dediché ala creaziun Idí ti scinches al monn süa benedisciun. Idí benedësces nosta tera sön chëra ch'i abitun dal nord al süd, dal orí al florí de sorëdl, olache sües ressurses y sü früc vëgn gonot partis sö iniüstamënter, aladô ch'al n'é nia nudrimënt assá por düc. Idí benedësces les plantes y i tiers , che cianta süa lauda zënza s'intëne, che nes alegrëia y che nes é surandá a nosc fistide, mo che vëgn sfrutá y manacia da morí fora.. Idí benedësces la jënt , ch'al á fat do süa somëia, a chëra ch'al ti é dlungia sc'ara á da patí y che mostra la ligrëza de Dì sc'ara s'la rí. Idí ti scinches a chësc monn so Spirit por che döta la creaziun ciafes fle y vires. Amen.
09.09.23 Sabeda <i>Pire Claver, Corbinian</i>	10.00 Bato de Leo Vögele de Richard y Johanna Trebo Bato de Sofia Palmieri de Matteo y Christine Trebo 18.30 Mëssa prefestia dl ann + Heinrich Erlacher y + + Pire y Ida Erlacher + Martin Dasser, Alfur + Amalia Zingerle Clement + Heinrich Comploi, Pastrogn		
10.09.23 23^a Domënia dl ann A	9.00 Corona 9.30 Gran Mëssa por la comunité <i>(cun don Andrea)</i> de rengr. fam. Lorenz Planatscher + Erna Frenner	7.50 Corona 8.15 Gran Mëssa por la comunité + + Fonjo y Caterina Castlunger + + Guido y Renate Ploner + Marcello Scalmati (pere de don Francesco) Benedisciun dl tëmp 14.00 Prozesciun sö La Crusc da insom le lift 15.00 Liturgia dla Parora sö La Crusc	